

<p><b>Intent e finamira</b></p>	<p><b>Reglament dals champs spezial da la Baselia catolica dal Grischun</b></p> <p><b>I. Disposiziuns generalas</b></p> <p><b>Art. 1</b> 1 La Baselia catolica dal Grischun maina plirs champs spezial per ils responsabels, ils participads e tut las personas interessadas en las plaivs ed en ils cumins-baselia.</p> <p>2 Ella coordinescha ses champs spezial uschia ch'ella po impunder las resursas il meglier pussaivel e garantir ina cumparsa unitara vers anora.</p> <p>3 Ella ha la finamira d'adattar ses champs spezial cuntinuadamain als basegns da las gruppas en mira.</p>
<p><b>Champs spezial</b></p>	<p><b>Art. 2</b> La Baselia catolica dal Grischun porscha actualmain servetschs en ils suandants champs: scolaziun ForModula, instrucziun religiosa, catechesa da la plaiv, lavur ecclesiastica da giuventetgna, mediateca e cussegliaziun per dumondas da lètg, famiglia e vita.</p>
<p><b>Qualitad e collavuraziun</b></p>	<p><b>Art. 3</b> La Baselia catolica dal Grischun promova en quests champs la qualitad ed il svilup en collavuraziun cun l'ordinariat episcopal. Tenor pussaivladad e basegn collavura ella cun la Baselia evangelic-refurmada dal Grischun sco era cun ulteriurs posts spezialisads.</p>
<p><b>Post da consultaziun</b></p>	<p><b>Art. 4</b> Sco sustegn ed infurmaziun porscha la Baselia catolica dal Grischun a las gruppas en mira in post da consultaziun davart ses champs spezial.</p>
<p><b>Cumposiziun</b></p>	<p><b>II. Cumissiun champs spezial</b></p> <p><b>Art. 5</b> 1 La cumissiun champs spezial da la Baselia catolica dal Grischun sa cumpona da nov commembers, dals quals trais furman il comité directiv (cussegl da manaschi). Las regiuns ed ils champs spezial ston esser represchentads.</p> <p>2 Il comité directiv po en cas da basegn envidar la direenziun champs spezial da participar cun vusch consultativa a las sedutas dal comité directiv e da la cumissiun.</p>
<p><b>Eleccziun</b></p>	<p><b>Art. 6</b> 1 La cumissiun administrativa elegia la cumissiun champs spezial. En la cumissiun duain esser represchentads la cumissiun administrativa, l'ordinariat episcopal, las plaivs ed ils cumins-baselia sco er ulteriuras organisaziuns ed instituziuns interessadas. L'ordinariat episcopal ha il dretg da proponer il represchentant da l'ordinariat episcopal e da las plaivs.</p> <p>2 A medem temp cun l'eleccziun da la cumissiun elegia la cumissiun administrativa il comité directiv che surpiglia l'incumbensa d'in cussegl da manaschi. Dal comité directiv fa part almain in commember da la cumissiun administrativa.</p>
<p><b>Durada d'uffizi</b></p>	<p><b>Art. 7</b> Ils commembers da la cumissiun vegnan elegids mintgamai per ina durada d'uffizi da 4 onns.</p>

<p><b>Incumbensas cumissiun</b></p>	<p><b>Art. 8</b> La cumissiun champs speziels surveglia e coordinescha ils champs speziels. Ella ha surtut las suandantas incumbensas:</p> <ul style="list-style-type: none"> <li>- approvar il program da lavur ed il rapport annual per mauns da la cumissiun administrativa</li> <li>- controllar il budget ed il quint annual per mauns da la cumissiun administrativa</li> <li>- examinar cuntinuadamain, sche las purschidas dals champs speziels correspundan als basegns da las gruppas en mira.</li> </ul> <p><b>Art. 9</b> 1 Il comité directiv da la cumissiun champs speziels ha surtut las suandantas incumbensas:</p> <ul style="list-style-type: none"> <li>- far ina proposta per l'elecziun da la direcziun, che vegn elegida da la cumissiun administrativa</li> <li>- eleger ils ulteriurs collavuratur s uenter che la part da la salarisaziun è vegnida approvada da la cumissiun administrativa</li> <li>- survegliar l'activitad da la direcziun</li> <li>- manar il discurs annual cun il collavuratur da la direcziun</li> <li>- convocar las sedutas da la cumissiun tenor basegn e sin proposta d'almain quatter commembers da la cumissiun</li> <li>- realisar ils conclus da la cumissiun</li> </ul> <p>2 La cumissiun administrativa po surdar ulteriuras incumbensas a la cumissiun ed al comité directiv.</p>
<p><b>Elecziun</b></p> <p><b>Incumbensas</b></p>	<p><b>III. Direcziun champs speziels</b></p> <p><b>Art. 10</b> 1 La direcziun dals differents champs speziels vegn surdada ad in dals spezialists engaschads. Questa persuna vegn elegida da la cumissiun administrativa.</p> <p><b>Art. 11</b> 1 La direcziun champs speziels ha surtut las suandantas incumbensas:</p> <ul style="list-style-type: none"> <li>- manar e coordinar ils differents champs speziels ed il secretariat</li> <li>- coordinar la rait e la collavuraziun en connex cun projects cun las autoritads ed instituziuns chantunalas, diocesanass e surordinadas</li> <li>- manar e coordinar il persunal dals champs speziels e dal secretariat</li> <li>- realisar ils discurs annuals cun ils collavuratur</li> <li>- proponer l'elecziun da collavuratur per ils champs speziels da la Baselia catolica dal Grischun per mauns dal comité directiv da la cumissiun</li> <li>- dar rapport per mauns dal comité directiv da la cumissiun</li> <li>- coordinar e controllar la cumparsa dals champs speziels vers anora</li> <li>- administrar las entradas ed expensas en il rom dal budget</li> <li>- elavurar il budget ed il quint annual per mauns da la cumissiun champs speziels</li> <li>- elavurar il program da lavur ed il rapport annual per mauns da la cumissiun champs speziels</li> </ul> <p>2 La cumissiun administrativa ed il comité directiv da la cumissiun pon surdar a la direcziun ulteriuras incumbensas.</p>
<p><b>Incumbensas</b></p>	<p><b>IV. Champs speziels</b></p> <p><b>Art. 12</b> En ils champs speziels vegnan elavurads ils suandants servetschs confurms al temp.</p>

ForModula	<p><b>1 Scolaziun ForModula</b></p> <p><b>1.1 Curs da catechesa tenor ForModula</b></p> <ul style="list-style-type: none"> <li>- planisar ed organisar la scolaziun</li> <li>- realisar ils moduls tenor ForModula</li> </ul> <p><b>1.2 Garanzia da la qualitat</b></p> <ul style="list-style-type: none"> <li>- evaluar ils moduls e procurar per il management da qualitat</li> <li>- s'occupar da la certificaziun EduQua</li> <li>- procurar per l'acreditaziun</li> <li>- crear ina rait cun posts ed instituziuns chantunals e surregionals relevants dal rom</li> </ul> <p><b>1.3 Cussegliazion</b></p> <ul style="list-style-type: none"> <li>- cussegljar en dumondas davart la scolaziun ForModula</li> <li>- cussegljar ed accompagnar ils participants dals moduls</li> </ul>
Instrucziun religiosa	<p><b>2 Instrucziun religiosa</b></p> <p><b>2.1 Furmaziun</b></p> <ul style="list-style-type: none"> <li>- procurar per il perfecziunament en l'instrucziun religiosa</li> </ul> <p><b>2.2 Garanzia da la qualitat en las plaivs</b></p> <ul style="list-style-type: none"> <li>- survegliar e visitar l'instrucziun religiosa</li> <li>- controllar che las directivas da l'instrucziun religiosa vegnian realisadas e las prescripziuns legalas resguardadas</li> <li>- sustegnair e cussegljar en situaziuns da conflict</li> </ul> <p><b>2.3 Cussegliazion da las plaivs</b></p> <ul style="list-style-type: none"> <li>- cussegljar en dumondas pedagogic-religiusas</li> </ul>
Catechesa da la plaiv	<p><b>3 Catechesa da la plaiv</b></p> <p><b>3.1 Furmaziun</b></p> <ul style="list-style-type: none"> <li>- procurar per la scolaziun ed il perfecziunament en connex cun la catechesa da la plaiv</li> </ul> <p><b>3.2 Garanzia da la qualitat en las plaivs</b></p> <ul style="list-style-type: none"> <li>- visitar e sustegnair</li> </ul> <p><b>3.3 Cussegliazion</b></p> <ul style="list-style-type: none"> <li>- cussegljar en dumondas da la catechesa da la plaiv</li> <li>- elavurar projects per animar l'intermediaziun da la cardientscha religiosa</li> <li>- gidar a realisar ils projects</li> <li>- sustegnair e cussegljar en situaziuns da conflict</li> </ul>
Lavor ecclesiastica da giuventetgna	<p><b>4 Lavor ecclesiastica da giuventetgna (lavor da giuventetgna averta)</b></p> <p><b>4.1 Furmaziun</b></p> <ul style="list-style-type: none"> <li>- procurar per la scolaziun ed il perfecziunament en connex cun la lavor ecclesiastica da giuventetgna</li> </ul> <p><b>4.2 Garanzia da la qualitat</b></p> <ul style="list-style-type: none"> <li>- visitar e sustegnair</li> </ul> <p><b>4.3 Cussegliazion</b></p> <ul style="list-style-type: none"> <li>- cussegljar en dumondas da la lavor ecclesiastica da giuventetgna</li> <li>- elavurar projects per la lavor ecclesiastica da giuventetgna</li> <li>- gidar a realisar ils projects</li> <li>- sustegnair e cussegljar en situaziuns da conflict</li> </ul>
Mediateca	<p><b>5 Mediateca da la Baselia</b></p> <ul style="list-style-type: none"> <li>- porscher litteratura spezialisada e nonbooks per l'instrucziun religiosa, la catechesa, l'enconuschientscha da la vita, la lavor ecclesiastica da giuventetgna, la furmaziun ecclesiastica da creschids e la liturgia</li> <li>- emprestar litteratura spezialisadas e nonbooks</li> <li>- cussegljar</li> <li>- collavurar en projects per l'elavuraziun da meds d'instrucziun</li> <li>- collavurar ad occurrenzas da perfecziunament e d'infurmaziun</li> </ul>

<p><b>Post da cussegliaziun per dumondas da lètg, famiglia e vita</b></p>	<p>Per quest intent exista en collavuraziun cun la Baselgia evangelic-refurmada dal Grischun la "Mediateca da la Baselgia".</p> <p><b>6 Post da cussegliaziun per dumondas da lètg, famiglia e vita</b></p> <ul style="list-style-type: none"> <li>- cusseglar en dumondas da lètg, famiglia e vita cun discurs, terapias per singuls, pèrs e gruppas sco era purschidas da meditaziun</li> <li>- sustegnair en cas da problems persunals, matrimonials, famigliars ed educativs</li> <li>- elavurar e realisar la preparaziun da la lètg e la furmaziun da creschids</li> </ul> <p>Oz vegnan ademplidas las purschidas en connex cun dumondas da lètg, famiglia e vita en collavuraziun cun la Baselgia evangelic-refurmada dal Grischun en il post da cussegliaziun "paarlendo".</p>
<p><b>Reglamentaziun da las suttascripziuns</b></p> <p><b>Entrada en vigur</b></p>	<p><b>V. Disposiziuns finalas</b></p> <p><b>Art. 13</b> Da princip vala la reglamentaziun da las suttascripziuns tenor l'art. 6 da l'ordinaziun davart l'administraziun da finanzas da la Baselgia catolica dal Grischun. Per ils champs spezials suttascrivan cun validitad giuridica mintgamai en dus:</p> <ul style="list-style-type: none"> <li>- dus commembers dal comité directiv da la cumissiun (cussegl da manaschi)</li> <li>- in commember dal comité directiv da la cumissiun ed il manader dals champs spezials</li> </ul> <p><b>Art. 14</b> Quest reglament entra en vigur il 1. d'avust 2016. El abolescha tut las disposiziuns cuntradictorias, surtut</p> <ul style="list-style-type: none"> <li>- il reglament per la Cumissiun per ovras da la Baselgia catolica dal Grischun (nr. 81)</li> <li>- il statut dal Center catechetic dal Grischun (nr. 82)</li> <li>- il statut dal Post da cussegliaziun per dumondas da lètg, famiglia e vita da la Baselgia catolica dal Grischun (nr. 83)</li> <li>- il reglament per la Cumissiun speziala per la lavur ecclesiastica da giuventetgna (nr. 84).</li> </ul>

Cuira, ils 19 da fanadur 2016

**Per la cumissiun administrativa da la Baselgia catolica dal Grischun:**

il president:

la secretaria:

lic. iur. Placi Berther

Maria Bühler